



the dpsa

Department:
Public Service and Administration
REPUBLIC OF SOUTH AFRICA

Private Bag X916, PRETORIA, 0001 Tel: (012) 336 1000, Fax: (012) 326 7802
Private Bag X9148, CAPE TOWN, 8000 Tel: (021) 467 5120, Fax: (021) 467 5484

Dikamego tsa DPSA go samagana le Ditshekego tse di Telele le badiredipuso ba ba leng mo khunologong ya bolwetse ya Paka e Telele

Polelo ya Bobegakgang

Go gololwa ka Bonako

02 Phatwe 2023

Tona ya Bodiredipuso le Tsamaiso, Moh Noxolo Kiviet, o etse tlhoko ka go tshwenyega dipegelo tsa bobegakgang ka ga badiri ba le mmalwa ba go kaiwang ba sa tleng tirong sebaka se seleele ka ntlha ya ditshekego tsa sebaka se seleele le khunologo ya bolwetse ya paka e telele. Ka mengwe ya melato e ama pusoselegae, Tona o akanya ka Tsamaiso ya Puso e Lenngwe, go golagana le Tona ya Pusotshwaraganelo le Merero ya Setso go batla dikamego tse di siameng go samagna le morero o.

Tona Kiviet o buile fa Puso e pateletsega go dira go samagana le khunologo ya bolwetse le go thibela tirisobotlhaswa ya yona. Se se salwa morago e seng ka botlalo ka Pholisi le Thulaganyo mabapi le Khunologo ya Bolwetse ya Tlaleletso le Ditholotiro ka ntlha ya Bolwetse (PILIR). Se se akaretsa bolwetse jwa paka e telele, se kaelwa ke Molao wa Dikaelo tsa Motheo tsa Tiro le Molao wa Dikamano tsa Badiri. Maemo a gajaanong a puso ke gore badiri ba ba amilweng ke bolwetse ba neelwa tšhono e e siameng ya go fola go tswa mo bolwetseng e bile ka go dira jalo ba ya go tswelapele go nna mosola fa fela ba fodile ka botlalo.

Go neelana ka khunologo ya bolwetse ya tlaleletso ya sebaka se seleele go latela thulaganyo e e gagametseng e e akaretsang patlisiso le tlhatlhobo ka Motsamaisi yo o ikemetseng wa Bothata jwa Boitekanelo. Batsamaisi ba ba ikemetseng ba Bothata jwa Boitekanelo ke baitseanape ba boitekanelo jwa kwa tirong e bile ba gakolola mothapi mabapi le, magareng ga tse dingwe, bomaleba, sebaka sa bolwetse, sebaka se se maleba sa go fola le, e bile fa go leng maleba, taolo ya bolwetse le/kgotsa botlhokwa jwa go akanya ka ga dikamego tsa kwa lefelong la tiro kgotsa fa go kgonagala tholotiro ya bolwetse.

Go tshwanetse ga elwa tlhoko gore fa modiri a le mo khunologong ya bolwetse e e atolositsweng, modiri yoo a ka tshwanelwa ke go bona tlhatlhobo e nngwe ya boitekanelo moo botlhokwa jwa khunologo ya bolwetse e e tswelapele, bo ka sekasekiwang. Go ikaegilwe ka dipholo tsa tshekatsheko, mothapi a ka akanya ka ga go tlhagisa go fetolwa ga tiro go go siameng go kgontsha modiri gore a boele kwa go direng sentle ka botlalo go akaretsa tiro e nngwe. Gape, mothapi a ka swetsa ka go neela modiri tholotiro ya bolwetse

fa e le gore go mo pepeneneng morago ga tlhathobo gore modiri ga a ne a kgona go dira tiro sentle.

Mabapi le ditshekego tsa nakwana, Tona Kiviet o buile fa thulaganyo ya kgalemo e le maikarabelo a mothapi e bile gape e le maikarabelo a Tlhogo ya Lefapha. Ditshekego ga di bakele fela puso ditshenyegelo mabapi le dituelo le dithuso gape di bakela badiramongo ba modiri yo o sekegilweng ka ditirelo di ya go tshwanelwa ke go rebolwa. Ke ka ntlha ya se gore motsamaisi yo o rweleng maikarabelo a thulaganyo e a tshwanetseng ke go dira tiro ya gagwe ya tlhokomelo ka ditlamorago di ama mowa wa badiri le ditirisiwa tsa matlolo ka tsela e e sa siamang.

Tharabololo e e latelang e thagisitswe go samagana le dikgwetlho tse di lemogilweng:

- Go thagisiwa ga Yuniti ya Melawana ya Maitsholo ya Tsamaiso ya Puso, ya Seriti, le ya Thuso ya Setegeniki ya Kgalemo (PAEIDTAU) go emanokeng mafapha mabapi le go tsamaisa dithulaganyo tsa kgalemo le ditshekego tsa nakwana.
- Go dirisanammogo le Setheo sa Thuto le Katiso sa Lephata la Bodiredipuso le Sekolo sa Bosetšhaba sa Puso go tlamela ka katiso e e tswelelangpele go batsamaisi le batlhokomedi mabapi le ditsela tse di nepagetseng tse di tshwanetseng go latelwa malebana le go laola ditshekego. Se gape se dira go Bannasetulo le Basimolodi mo ditheetsong tsa Kgalemo mo maitekong a go rotloetsa tshiamo le bosenangbofitlha.
- Go thagisiwa ga dikhansele tsa dipuisano tsa badiri tse e leng ditheo tse di ikemetseng tse di akaretsang baitseanape mo dikamanong tsa badiri go tsereganya mo dintlheng tsa fa badiri ba ikutlwa gore ga ba tsholwa sentle.
- E tsene mo Memorandamong wa Tumelano (MOU) le Morunikakaretso go runa kobamelo ya mafapha mabapi le dipholisi tse di farologaneng tsa puso le Ditshweetso tse di maleba tsa PSCBC.
- Kwa bofelong, DPSA e dirile patlisiso ka tirisammogo le Khomišene ya Bodiredipuso (PSC) go:
 - Senola mekgwa e e begilweng ka ga tiriso ya khunologo ya bolwetse le kgonagalo ya tirisobotlhaswa ya yona mo Bodiredipuso.
 - Sebaka sa tiriso ya khunologo ya bolwetse ya paka e telele mo Bodiredipuso mo dingwageng di le 5-10 tse di fetileng le kwa batho ba leng kwa teng; le
 - Senola gore a khunologo ya bolwetse ka kakaretso le PILIR, ka go totobala, di dirisiwa sentle.

Patlisiso e e tshwanetse go thusa DPSA go lemoga diphatlha tsa pholisi le tsenyotiriso tse di tshwanetseng go rarabololwa.

Ka e le karolo ya dikgato tsa go rarabolola morero o, DPSA e ya go tshwara Khonferense ya Boitekanelo le TShiamo ya Badiri e le karolo ya Kgwedi ya Bodiredipuso go sekaseka tshiamo ya boitekanelo jwa morago ga Covid-19 jwa badiredipuso. Se ke go netefatsa gore tsibogo ya puso jaaka mothapi yo o tlhokomelang e bontshiwa mo pholising le mo kगतong ka bobedi.

Tona Kiviet o dira boikuelo mo mafapheng go obamela dikaelo tsa Melawana ya Kgalemo, Tshweetso ya 1 ya 2003, e bile fa go nang le dikgwetlho, go ikgolaganngwe le DPSA mabapi le kemonokeng ya setegeniki.

E rebotswa ke Lefapha la Bodiredipuso le Tsamaiso.

Dipotso mabapi le bobegakgang:

Rre Moses Mushi, Mokaedi wa Tlhaeletsano, Lefapha la Bodiredipuso le Tsamaiso,
0829726595, moesm@dpsa.gov.za